



JP ELEKTROPRIVREDA BiH

d.d. - Sarajevo

Podružnica Termoelektrana "Tuzla", Tuzla

Na osnovu člana 9. Pravilnika o radu JP Elektroprivreda BiH d.d.-Sarajevo broj:NO-36810/16-41/5. od 7. 12. 2016. godine (broj: NO-23422/18-80./17. od 18. 9. 2018. godine i broj: NO-12016/19-92./3. od 25. 4. 2019. godine) i člana 16. Odluke o utvrđivanju i rasporedu ovlaštenja Generalnog direktora, izvršnih direktora, pomoćnika Generalnog direktora, Sekretara Društva i direktora podružnica Društva (prečišćeni tekst, broj: 06-6522/18 od 05.03.2018. godine i broj:U-01-22653/19-258/31 od 7. 8. 2019.godine), a u skladu sa Odlukom o potrebi zapošljavanja novih radnika i pripravnika u 2019.godini u Podružnici Termoelektrana „Tuzla“ Tuzla, u Djelatnosti Proizvodnja broj: 01-02-13340/19 od 26. 4. 2019. godine i Odlukom o potrebi zapošljavanja novih radnika zbog neplaniranih okolnosti broj: 01-02-24819/19 od 27. 8. 2019. godine, Podružnica Termoelektrana „Tuzla“ Tuzla objavljuje:

O G L A S
za prijem radnika na neodređeno vrijeme

Raspisuje se Oglas za prijem radnika na neodređeno vrijeme sa probnim radom od 3 mjeseca za sljedeća radna mjesta:

- 1. Zavarivač 1 izvršilac**
Uslovi: III-KV, zavarivač, posjedovanje atesta EN287-1/EN9606-1, 6 (šest) mjeseci radnog iskustva u struci.
Kratak opis poslova: obavlja poslove održavanja uređaja/postrojenja/objekata pod nadzorom vođe radne grupe, redovni i vanredni pregledi uređaja/postrojenja/objekata, obavljanje drugih poslova u skladu sa Pravilnikom o radu, drugim općim aktima, procedurama i uputstvima sistema kvaliteta.
- 2. Elektromehaničar II..... 1 izvršilac**
Uslovi: III-KV, elektromehaničar/elektroenergetičar, 6 (šest) mjeseci radnog iskustva u struci.
Kratak opis poslova: obavlja poslove održavanja uređaja/postrojenja/objekata kojima pripadaju: generatori, rasklopna postrojenja i energetske transformatori, elektropostrojenja kotlovnice, strojnarnice, dopreme uglja i dopreme i pripreme vode kao i uređaji opšte potrošnje i istosmjernog razvoda prema instrukcijama i pod nadzorom vođe radne grupe te redovne i vanredne preglede uređaja/postrojenja/objekata.
- 3. Elektromehaničar 1 izvršilac**
Uslovi: III-KV, elektromehaničar, 6 (šest) mjeseci radnog iskustva u struci.
Kratak opis poslova: obavlja poslove održavanja uređaja i postrojenja prema instrukcijama i pod nadzorom vođe radne grupe svrstanih u područja tehnoloških mjerenja i regulacionih krugova, redovni i vanredni pregledi uređaja/postrojenja/objekata prema instrukcijama i pod nadzorom vođe radne grupe.
- 4. Rukovalac građevinskih mašina 1 izvršilac**
Uslovi: III-KV, vozač/rukovalac građevinskih mašina, ispit za rukovaoca građevinskim mašinama, 6 (šest) mjeseci radnog iskustva u struci.
Kratak opis poslova: obavlja poslove na održavanju uređaja/postrojenja/objekata pod nadzorom vođe radne grupe, redovni i vanredni pregledi građevinskih mašina, uređaja, postrojenja i objekata, upravljanje motornim vozilima (građevinske mašine) u javnom i internom saobraćaju, podmazivanje i kontrola nivoa ulja u građevinskim mašinama kojim upravlja i brine o njihovoj ispravnosti.

5. **Kuhar** 1 izvršilac
Uslovi: V-VK kuhar, 9 (devet) mjeseci radnog iskustva u struci.
Kratak opis poslova: izvršava najsloženije poslove na pripremi jela, organizuje rad, nabavlja potrebne namirnice, organizuje distribuciju i podjelu obroka, brine o higijeni i čistoći radnog mjesta.
6. **Manevrist** 1 izvršilac
Uslovi: III-KV transportni radnik željezničkog saobraćaja, stručni ispit za manevristu, 6 (šest) mjeseci radnog iskustva u struci.
Kratak opis poslova: priprema vagona i otkopčavanje grupe za istovar, izvlačenje vazduha iz kočničkog sistema, postavljanje vagona i priprema za izvlačenje praznih vagona sa obrtača vagona i sa zakopčavanjem vagona, rukovanje hidrauličnim i električnim zaokretnim odbojnicama na VI i IX kolosijeku, priprema vagona za istovar, postavljanje vagona i izvlačenje vagona sa obrtača vagona broj 1 uz koordinaciju i prema uputama rukovodioca komande etape II, zaustavljanje vagona na određeno mjesto, osiguravanje vagona i vozova od odbjegnuća i samopokretanja, pomoć mašinovođi u opskrbi lokomotive gorivom, uljem, pjeskom i zamjeni kočionih umetaka.

Kandidati su obavezni uz potpisanu pismenu prijavu na Oglas sa kraćom biografijom, adresom stanovanja i brojem telefona podnosioca prijave, *te jasnom naznakom rednog broja i naziva radnog mjesta na koje se prijavljuje*, dostaviti dokumentaciju kojom dokazuju ispunjavanje uslova zahtjevanih Oglasom za to radno mjesto na koje se prijavljuje i to:

- diplomu srednje stručne spreme, svjedočanstva o završenim razredima;
- dokaz da kandidati imaju neophodno radno iskustvo u struci za zanimanje za koje su se školovali i za **radno mjesto** za koje se prijavljuju Oglasom

Kao dokaz o radnom iskustvu u struci prihvatit će se isključivo:

- **Potvrde ili uvjerenja, izdata** od strane poslodavca ili poslodavaca kod kojih je iskustvo stečeno, u čijem sadržaju treba da bude navedeno sljedeće: naziv radnog mjesta na koje je kandidat bio raspoređen, stručna sprema koja se traži za radno mjesto, poslovi na kojima je kandidat radio (opis poslova), precizan period angažovanja kandidata na tim poslovima, odnosno podatak koliko je dugo obavljao navedene poslove i
- **Uvjerenje o činjenicama iz matične evidencije** nadležne institucije za penzijsko i invalidsko osiguranje (PIO), uz obavezno dostavljanje potvrde u kojoj će šifre zanimanja iz uvjerenja biti razjašnjene, tako da se na osnovu ovih dokumenata može jasno utvrditi da li je kandidat radio na poslovima za koje se traži radno iskustvo i u kojem periodu.

Kandidati koji su nezaposleni treba da dostave uvjerenje o toj činjenici, izdato od strane Zavoda za zapošljavanje.

Kandidati koji su: demobilisani borci, članovi porodice šehida ili poginulih boraca, ratni vojni invalidi ili su članovi porodice ratnih vojnih invalida, treba da dostave dokaz o ovom statusu (izdat od strane nadležnog organa) u skladu sa propisima kojima se reguliše oblast boračko-invalidske zaštite.

Dokumenti koji se neće prihvatiti kao valjan dokaz o traženoj vrsti radnog iskustva:

- Radna knjižica - kojom se dokazuje samo radni staž, te ista ne može dokazati nijedan oblik radnog iskustva;
- Ugovori o radu, ugovori o obavljanju privremenih i povremenih poslova, ugovori o djelu, rješenja ili odluke o zasnivanju radnog odnosa – koji dokazuju samo početak radnog angažmana i Naziv radnog mjesta, ne i kontinuitet istog;
- sporazumi, rješenja ili odluke o prestanku radnog odnosa – koji dokazuju samo moment prestanka radnog angažmana i sl.
- Potvrde i preporuke nenadležnih organa bez dostave ostalih dokaza, odnosno, preporuke bez navođenja osnova priznanja statusa neće biti uzete u obzir.

Dokumentacija dostavljena bez potpisane prijave na Oglas sa kraćom biografijom i jasnom naznakom rednog broja i naziva radnog mjesta na koje se prijavljuje neće biti predmet provedbe procedure prijema u radni odnos.

Sva tražena dokumentacija, koju kandidati prilažu uz prijavu, dostavlja se u originalu ili ovjerenoj kopiji, ovjerena kod nadležnog organa. Ukoliko se dokumentacija dostavi u ovjerenoj kopiji može se od kandidata zahtijevati uvid u originalne dokumente.

Neblagovremene, neuredne i nepotpune prijave, te prijave koje su kandidati pismeno povukli, kao i prijave uz koje su priložene neovjerene kopije dokumenata, neće se uzeti u razmatranje.

Kandidati koji budu ispunjavali uslove navedene Oglasom, pristupit će usmenoj provjeri znanja.

O mjestu i vremenu održavanja usmenog ispita kandidati će biti blagovremeno obaviješteni.

Kandidati koji budu izabrani, biti će prije zaključivanja Ugovora o radu upućeni na ljekarski pregled kod nadležne zdravstvene ustanove, radi utvrđivanja zdravstvenog stanja i radne sposobnosti za obavljanje poslova radnog mjesta.

Oglas ostaje otvoren 8 (osam) dana od dana objavljivanja u dnevnim novinama.

Prijave na Oglas sa potrebnom dokumentacijom dostaviti u zatvorenoj koverti sa naznakom „*Prijava na Oglas za radno mjesto pod rednim brojem: _____ (navesti naziv radnog mjesta)*“, na adresu:

JP Elektroprivreda BiH d.d.-Sarajevo
Podružnica Termoelektrana „Tuzla“ Tuzla
21. aprila br. 4
75203 Bukinje